

Connecticut's Birth to Three System

YON APÈSI

Connecticut's Birth to Three System (Sistèm Birth to Three Connecticut) la se yon sipò pou fanmi ki ka ap bay tèt yo pwoblèm pou devlopman ptit yo a—sitou si ptit yo a pa franchi kèk etap. Atravè yon evalyasyon, ekip Birth to Three ou a kapab reponn nenpòt kesyon ou genyen sou enkyetid ou yo epi, si ou elijib, bay sipò espesifik pou ptit ou a ak fanmi w. Early Intervention Services and Supports (Sèvis ak Sipò pou Entèvansyon Bonè), jan Lwa sou Edikasyon Moun ki Gen Andikap yo (IDEA, Individuals with Disabilities Education Act) Pati C a identifye li, ka gen ladan li terapi devlopman, òtofoni, fizyoterapi, ègoterapi, odyoloji, nitrisyon, elatriye.

Ou te deja pran yon premye mezi ki enpòtan anpil lè ou te rele 211 Developman Timoun pou w pwogramme yon vizit evalyasyon elijiblite pou ptit ou a avèk pwogram Birth to Three ki te resevwa referans ou a.

Patisipasyon nan Sistèm Birth to Three an toujou volontè epi ou kapab retire konsantman ou nenpòt kilè. Pou w jwenn enfòmasyon sou konsantman eklere, konfidansyalite, ak pwosesis medyasyon yo, tanpri gade Parent Rights Brochure (Bwochi sou Dwa Paran yo):
www.birth23.org/families/rights

Pou w jwenn yon lis ki gen tèm glosè yo, istwa Birth to Three, ak lòt dokiman sipò yo, tanpri ale sou:

www.birth23.org



Sa Pou W Atann Pandan

APÈSI SOU VIZIT EVALYASYON AN

- Vizit evalyasyon an jeneralman fèt lakay ou si se kote ou menm ak pitit ou a santi nou pi alèz, oswa yon lòt kote nan kominate a ou chwazi.
- Ou kapab chwazi yon jou ak moman ki bon pou ou menm ak fanmi ou. Panse ak pi bon moman nan jounen an pou ou menm ak pitit ou a lè pitit ou a p ap dòmi.
- Omwen yon paran dwe la pou evalyasyon an, men nou aksepte pou plizyè moun k ap okipe timoun lan patisipe.
- De (2) evalyatè nan de (2) disiplin diferan ap evalye pitit ou a pou yo detèmine si li genyen yon gwo reta devlopman.
- Ekip Birth to Three ou an ap akonpanye ou nan evalyasyon an, etap pa etap. Yo ap angaje yo ak pitit ou a epi obsève li; poze ou kesyon sou pase pitit ou a ak tout enkyetid ou ka genyen; epi ede ou ranpli tout dokiman yo.

ANVAN EVALYASYON AN

Pran yon ti tan anvan pou w reflechi sou:

- istwa pitit ou a anvan li fèt;
- nesans pitit ou a;
- istwa sante ak devlopman pitit ou a;
- nenpòt chanjman enpòtan ki fèt nan lavi ou oswa lavi pitit ou a ki ka lakoz chanjman konpòtman;
- lè ou te pè premye fwa pou yon bagay pa t mache;
- epi enkyetid ou genyen kounye a.



Sa Pou W Atann Pandan

PANDAN EVALYASYON AN



Patisipasyon Paran an

Ou se yon manm ki enpòtan nan ekip evalyasyon an!

- Ede pitit ou a santi l alèz pandan vizit evalyasyon an.
- Ede fè aktivite ki eksplore kapasite pitit ou a.

Ekip evalyasyon Birth to Three a ap evalye senk (5) domèn nan devlopman pitit ou a:

- devlopman fizik, tankou wè, tandem, mouvman, ak sante;
 - devlopman komunikasyon, tankou lonje dwèt, konprann mo, ak eksprime panse;
 - devlopman adaptatif oswa kapasite pou ede tèt li, tankou manje ak mete rad sou li;
 - devlopman koyitif, tankou reflechi, aprann, ak fè rezònman; epi
 - devlopman sosyo-emosyonèl, tankou antann avèk lòt moun, eksprime santiman, epi devlope relasyon.
-
- Di ekip la si sa yo konstate a se yon bagay ki tipik pou pitit ou a oswa si se yon bagay ki pa tipik pou li.
 - Bay repons ki vrè epi kòrèk pou kesyon yo poze sou devlopman pitit ou a.
 - Ede ekip la wè pwen fò ak bezwen inik pitit ou a genyen yo.
 - Poze kesyon epi bay opinyon ou sou fason evalyasyon pitit ou ap dewoule.

APRE EVALYASYON AN

Aprè evalyasyon an, ekip la ap revize rezulta tès estanda li te fè yo, enfòmasyon ou te bay sou istwa ak devlopman pitit ou a, ak tout rapò ou te resevwa nan men pwofesyonèl swen sante yo pou l kapab pran yon desizyon konsènan elijiblite li.

Patisipasyon nan Sistèm Birth to Three an toujou volontè epi ou kapab retire konsantman ou nenpòt kilè. Pou w jwenn enfòmasyon sou konsantman eklere, konfidansyalite, ak pwosesis medyasyon yo, tanpri gade Parent Rights Brochure (Bwochi sou Dwa Paran yo): www.birth23.org/families/rights

Pou w jwenn yon lis ki gen tèm glosè yo, istwa Birth to Three, ak lòt dokiman sipò yo, tanpri ale sou: www.birth23.org

Elijiblite

PÈSI

Genyen de (2) fason pou yo rekonèt li elijib:



- ptit ou a gen yon pwoblèm sante yo konfime ki kapab lakoz yon reta nan devlopman li epi se sa ki fè li elijib otomatikman; oswa
- evalyasyon elijiblite pèsonèl de (2) pwofesyon diferan yo fè (pa egzanp, òtوفoni ak fizyoterapi) ki montre gwo reta (2 eka tip anba mwayèn lan) nan yon domèn devlopman oswa yon reta modere (1.5 eka tip anba mwayèn lan) nan de (2) domèn devlopman.

Nou ap revize rapò evalyasyon an avèk ou nan lang matènèl ou, epi li p ap konsidere kòm rapò final jiskaske ou ta gen chans pou li l epi asire w li kòrèk.

PA ELIJIB

Si nou pa konsidere ptit ou a elijib pou Birth to Three, genyen lòt resous pou ou:

- Help Me Grow mete timoun ki arisk yo an kontak avèk sipò ak sèvis yo.
cdi.211ct.org/program/help-me-grow
- Sparkler se yon aplikasyon mobil ki ede ou pi byen konprann devlopman ptit ou a avèk Ages & Stages Questionnaires® (ASQ); aktivite an deyò ekran pou jwe ansanm; rapò pwogrè; epi konsèy ak repons ekspè yo nan 211 Devlopman Timoun oswa lekòl/pwofesyonèl swen sante w la. www.playsparkler.org/ct Itilize Kòd: **CTFam**

Ou gendwa mande yon lòt referans tou omwen yon mwa apre evalyasyon an.

Si ou pa dakò avèk rezulta evalyasyon elijiblite Birth to Three a epi ou pa kapab rezoud sa lè w pale avèk pwogram lan, genyen lòt mwayen pou rezoud dispit yo:

- Depoze yon plent alekri.
- Mande medyasyon.



Patisipasyon nan Sistèm Birth to Three an toujou volontè epi ou kapab retire konsantman ou nenpòt kilè. Pou jwenn enfòmasyon sou konsantman eklere, konfidansyalite, ak pwosesis medyasyon yo, tanpri gade Parent Rights Brochure (Bwochi sou Dwa Paran yo): www.birth23.org/families/rights

Pou w jwenn yon lis ki gen tèm glosè yo, istwa Birth to Three, ak lòt dokiman sipò yo, tanpri ale sou: www.birth23.org

Ou Elijib? Ki Pwochen Etap la?

PÈSI



- Apre nou fin detèmine ou elijib, nou ap ba ou yon kowòdonatè sèvis ki ap gide ou lè ou ap fè kontak avèk resous kominotè yo.
- Kowòdonatè sèvis ou a ap gide ou menm ak fanmi ou nan elaborasyon yon Plan Sèvis Fanmi Pèsonalize (IFSP, Individualized Family Service Plan) ki ap dekri rezulta reyèl ou vle pou pitit ou a ak fanmi ou.
- IFSP a dekri ki fason, ki kote, ak ki lè fanmi ou ap kolabore avèk pèsonèl pwogram lan pou li atenn rezulta sa yo.

SIPÒ



- Birth to Three se yon sistèm sipò pou fanmi yo. Li ede yo reponn ak bezwen tibebe ak timoun piti yo genyen ki gen andikap oswa reta nan devlopman yo.
- Early Intervention Services and Supports (EIS) ankorage patenarya pou kolaborasyon; yo santre sou fanmi; yo fèt nan milye natirèl kote timoun lan abitye pase tan li; yo rekonèt pi bon pratik aktyèl yo nan entèvansyon bonè a; epi yo fonde sou respè youn pou lòt ak chwa.
- Jwenn plis enfòmasyon sou Sipò Birth to Three a nan Handbook 2 (Manyèl 2):
www.birth23.org/files/Families/FamilyHandbookII.pdf

Patisipasyon nan Sistèm Birth to Three an toujou volontè epi ou kapab retire konsantman ou nenpòt kilè. Pou w jwenn enfòmasyon sou konsantman eklere, konfidansyalite, ak pwosesis medyasyon yo, tanpri gade Parent Rights Brochure (Bwochi sou Dwa Paran yo): www.birth23.org/families/rights

Pou w jwenn yon lis ki gen tèm glosè yo, istwa Birth to Three, ak lòt dokiman sipò yo, tanpri ale sou: www.birth23.org